

**IN FUNERE FABRICII
ANTONII SALERNI
PATRICII CONSENTINI
MELPHICTENSIIUM
PONTIFICIS ORATIO...**

Giovanni Vista



IN FUNERE
FABRICII ANTONII
SALERNI
PATRICII CONSENTINI

Melphictensium Pontificis

ORATIO

Habita in Majore Templo Urbis Melphicti
pridie Kalendas Maii anni 1754.

A F R A T R E

JOHANN E VISTA

MELPHICTENSI

ORDINIS MINORUM SANCTI FRANCISCI

In Regio Altimuri Gymnasio Sacrae Theologiae Professore.



NEAPOLI MDCCLIV.

EX TYPOGRAPHIA SIMONIANA

Superiorum permissu.

1111

1111

1111

MARCHIONI
NICOLAO SALERNO
PATRICIO CONSENTINO.

AGNELLUS AVITABILIS

S. P. D.



*Q*uam Oratio habita in funere FABRICII SALERNI Fratris tui Melifictensium Episcopi a præclarissimo Viro F. JOHANNE VISTA, in manus forte incidisset; eamque tum Authoris, tum Defuncti percelebri fama ductus, avide perlegissem, atque eorumdem opinioni, ac meritis parem invenissem, continuo mecum ipse typis edendam statui. Indignum enim putabam, pietissimi, optimique Episcopi laudes, quæ ceteris exemplo, atque æmulationi esse possint, non usquequaque, ad aliorum studia excitanda, atque promovenda publicæ admirationi propositas, notas fieri. Hujusmodi vero consilio Authoris cumprimis obstitit voluntas, qui (qua est animi modestia,

A 2

destia,

destia, doctrinaque præditus) sibi veluti diffidens, opus bidui spatio, tumultuario labore confectum, publici juris fieri, constantissime renuebat. Sed vicit tandem come alioquin hominis ingenium, erga Defunctum amor, & pietas, atque amicorum, præsertim PETRI LEPORIS, cujus acre iudicium, ac doctrinam minime vulgarem semper is plurimi fecit, aliorumque gravissimorum Virorum Auctoritas, quibus vel famæ suæ dispendio, si ita res tulisset, lubentissime se morem gesturum ultro fassus est.

Tantum vero abest, ut nominis inde sui jacturam aliquam faciat, ut maximam doctrinæ, atque eloquentiæ famam apud peritos harum rerum æstimatores procul dubio consequatur; tot enim sapientiæ, atque ingenii luminibus distincta ornatæque Oratio est, ut robustioris in ea Eloquentiæ partum justæ, ac legitimi temporis, non abortivum bidui fœtum agnoscas. Omitto, quod caput est, summam iudicii, prudentiæque vim in seligendis fratris tui laudibus; haut enim steriles quasdam, ac prorsus inanes, quod inepti solent laudatores, sed eas tantummodo efferendas, atque extollendas suscipit, quæ veræ, ac germanæ sunt Episcoporum Virtutes: egregiam nimirum animi charitatem, benignam in egenos li-
be-

beralitatem , probæ Clericorum educationis , saniorisque doctrinæ curam , Gregisq̃ adeo sibi concrediti pacis , atque concordie procurandæ studium . In hæc ille toto pectore incubuerat præcipua Episcoporum munia , quæ si eodem gradu , ac dignitate ceteris æque cordi essent , præclarissime cum nostris hominibus ageretur ; nec tam crebro pessimo exemplo per summum dedecus vexari ab iis , ac perturbari civitates videremus , quorum ope , consilio , pietate , auctoritate servari quamaxime , ac beatas effici oporteret . Habuit nimirum ille præter indolis bonitatem , domesticum , in quod perpetuo intueretur , exemplum JOHANNIS BAPTISTÆ Cardinalis Germani fratris sui , cujus eximias virtutes recenti adhuc earum memoria animis hominum insitas , nihil attinet commemorare ; nec unquam oblivioni traditum iri puto egregia summi viri merita , quæ , ut nihil aliud dicam , tanti apud CLEM. XI. fuere , ut in oculis eum fere semper habuerit ; quo argumento , qui recte de CLEM. XI. sentiat , nullum certe præclarius , aut illustrius requireret . Haut vereor NICOLAE SALERNE , ne talium Fratrum commemoratione dolorem animi tui refricem , ac renovem . Non tu unus multorum es , qui naturæ parere , ejusque necessitatem , cum devitari

nequeat, mitius, ac viriliter ferre nescias. Quod si qua es in tuos animi pietate, secus tamen accidat; obversentur tibi quoque ante oculos necesse est eorum laus, ac merita, quorum fructus amplissimus ad te nunc unum pertinet: qua in cogitatione facile conquiesces. Fruere igitur egregie ab iis factorum memoria; & qui ea pro dignitate extolleret, disertum Virum inventum esse letare, cujus Orationem luculentissimam tibi ut inscriberem, cui optimo jure debebatur, haut diu sane mihi deliberandum fuit. Qua in re, una eademque opera, cum publico bono me consuluisse video, tum & illud assequor, quod jamdudum exoptaveram, ut mea in te observantiae testimonium aliquod ederem. Vale.

JOSEPHO CAROLO

A U R O R Æ

Jurisconsulto , Melphistensis Cleri Archipresbytero ,
& Vicario Capitulari spectatissimo .

-FR. JOHANNES VISTA

S. P. D.



Ecce auctoritas tua , quæ plurimum apud me valet , Præstantissime Aurora , fecit & benevolentia in me singularis , ut quamquam invitus , & reluctans , ac morbo multiplici , diuturnoque vexatus , vixque mei compos , datoque ad me parandum perexiguo bidui spatio , in publicum tandem prodirem , & ex veteri consuetudine Pontifici vestro nuper mortuo parentarem . Facit modo auctoritas eadem , ac benevolentia , ut quam in tanta animi , atque corporis ægritudine , ac tantulo spatio informavi , & pridie Kalendas Maii apud Te , nostrisque homines habui Orationem , eam e manibus meis extorqueri patiar , tuoque arbitrio , fideique committam . Hanc enim ego , Vir Præstantissime , ut verum fatear , tenebris damnatam cupio plusquam Cimmeriis , tum quod nemo me accuratius intelligit , quam nullius sit pretii , tum quod eidem rursus manum admovere , atque ad normam justæ artis exigere , nec valetudinis , in pejus hoc sub cælo ruentis , ratio patitur , nec

negotiorum, quæ pene obruor, moles, nec munus denique, quo hic præpedior, ullo modo prorsus finit. Sed quando ita jubes, qui parere necesse habeo, mitto eam tibi confestim, ac talem penitus mitto, qualem primus ille imperus, ac verus doloris sensus, ob fatalem Civitati nostræ tanti Pontificis mortem, expressit. Ea tamen lege mitto, atque in sinum tuum confugere patior, ut neque typis detur (qua re & male famæ meæ consuleres, & magnopere commoverer) neque cum alio quam cum carissimo Defuncti Fratrem, quod sanctissime es pollicitus, communicetur: Unus enim ille qui, ut accepi, majorum gloriam meritis exæquat, ingenique instructu virtutum omnium Fratrem refert, habebit profecto in Oratione nostra, quod in solarium adhibere queat: nempe non fucum Rhetorum, atque pigmenta, a quibus ego rebus, & quod ita natura sum comparatus, & quod alio in pulvere versor, semper abhorruï; sed masculam in veris virtutibus enarrandis libertatem, eamque videbit dulcissimi Fratris imaginem, quam & vidit semper, dum ille viveret, & vidisset in longam ætatem bonus quisque, si vel Nestoris annos ille vivere potuisset. Vale Vir eximie, & me, uti facis, amare perge.

Dabam Altimuri Nonis Maii 1754.

O R A T I O.



I quantum hæc dies funebri specie, sordibusque sædata, si quantum hæc lux acerbissimo casu, quem septimum jam diem lugetis, contaminata, doloris, ac mœstitiæ animis omnium affert, atque offundit, tantam mihi dicendi copiam, tam aptum Orationis genus suppeditaret, ut & jacturam tantam pro rei magnitudine vobiscum deplorare, & dolorem Civitatis longe atrocissimum aliqua saltem ex parte lenire possem; ferrem libenter, Cives Amplissimi, hoc parentandi onus meis potissimum humeris impositum; neque hujus aditum loci, vestramque frequentiam, tantæque dolentium, ejulantium, ac paventium turbæ conspectum, mihi magnopere gravem, ac prope metuendum existimarem. Sed forte ita accidit, ut idem ego qui, ut nostis omnes, numquam non latebras potius, ac solitudinem quæsierim, quam publicam lucem, hominumque judicia sustinere exoptaverim; in tanta ac tam publica calamitate, quasi e latibulis meis ad dicendum pertractus, dum minime omnium tam tristi nuncio perterrefactus videri queam, quoniam præ omnibus ad justa solvenda immortalī Pontifici accedere ausus sum; præ omnibus tamen nedum ad dicendum, sed & ad dolendum ineptus præ nimio dolore jam factus sim. Sic enim existimate, magis hodierno die ad funeris formam, & celebritatem valere atratum hunc parietum

tum squalorem , triste hoc vestrum omnium silentium , lugubre , ac lamentabile Ecclesiastici Ordinis spectaculum , publicum denique hoc velut Urbis iustitium , quam Orationem quamlibet , non nostram modo , quæ nulla esse potest ; sed cuiusvis etiam vel disertissimi , & in dicendo exercitatissimi . Satis namque ista nos admonent , quid septimo abhinc die amiserimus , & quantam jactura tanta afflictis , ac prope perditis rebus nostris cladem intulerit . Amisimus enim , proh dolor ! FABRICIUM ANTONIUM , sanctissimum Civitatis hujus Episcopum , ac Moderatorem . Amiserunt ergo Cives Pastorem , miseri solatium , oppressi patronum , pauperes , orphani , viduæ , pupilli parentem , boni exemplar , mali terrorem , Urbs decorem , Religio Interpretem , Sacra Pontificem . Itane vero in tali tantaque jactura , quam ne ferrei quidem animi homo sine lacrymis exceperit , unus ego funeri assidens , vestrum omnium enarrare dolorem , eumque luctum , qui ad omnes pertinet , solus expromere Oratione mea sustineam ? Sed quando ita jubeor ab iis , quorum ab nutu discedere est nefas , sustinete me , Cives , tanto dolori , sustinete me tanto oneri impari ; mecumque hoc in loco eodem animi sensu ac pietate , & quem virum amiserimus , & quam importuno tempore , & quanti hæc sit momenti jactura , serio cogitate . Neque a me vero luculentum aliquid ad funeris pompam , aut Orationis nitorem , & ubertatem , aut assentationis formam expectetis velim ; sed ea , quæso , expectate , quæ a mœsto turbatoque animo , ac penitus fracto , in tanto , ac tam publico , tamque recenti vulnere , tam brevi tem-

po-

pore præstari poterant.

Hunc ergo Episcopum amissimus, Cives, hunc nobis Episcopum, septimus jam dies est, mors dira præripuit. O diem doloris plenam, & luctus! O mortem nulla satis lacrymarum profusione lugendam! Eum videlicet fata nobis tandem eripuerunt Episcopum, qui eximiis fortunæ bonis præter vulgi sortem instructus, qui stirpe ortus nobili admodum, ac generosa, si vel hoc uno nomine laudandus foret, satis amplam, ac luculentam Orationi materiam subministraret. Porro earum rerum, quas mortales (si sobrie ac moderate usurpentur, & suis momentis æstimentur) merito magni faciunt, generis claritatem, egregia ac memoranda Majorum facinora, unde illa claritas tamquam ab uberrimo fonte. profluxit, divitiarum denique affluentiam, atque arridentis Fortunæ benignitatem; earum, inquam, rerum Fabricius noster (cujus mihi vel dulce nomen lacrymas elicit) tantam potuisset natam sibi domi copiam ostentare, & Virorum belli ac pacis artibus clarissimorum, qui & Patriæ, ac Regni hujus florentissimi dignitatem auxerunt togati, & jura, ac libertatem asseruerunt armati, ut si omnium utriusque Ordinis nomina, ac gesta recensere vellem, quasdam quasi justas acies explicarem, quasi Stellas quasdam, & lumina Cœli, ac generis Consentini. At ne his immoremur, Cives, neque enim omnia dicere tam brevi tempore, atque in tanta animorum perturbatione possumus, nec præterire debemus omnia. Mittamus libenter, quæ ille, dum viveret, contempsit semper, ac pro nihilo habuit; Fabricio honorem, non Stemmati, homini honorem, non ge-

neri , moribus , non majoribus ejus , virtuti perſpectæ , ac prope divinæ , non auditæ nobilitati deferamus . Quippe ſi recte æſtimemus , Hercules illi , aut Macedones , & quidquid ubique vel Heroum fabulatur antiquitas , vel Clariffimorum Virorum , atque Imperatorum commendant Hiftoriæ , non tam nobilitatis titulo , quam miris facinoribus , & monumentis rerum ingentium Orbe repleto ad immortalitatem pervenere . Episcopum vos primum accepistis , noſtiſque Fabricium , Episcopum diu vobiscum vixit Fabricius , Episcopum tandem , o fata fera ! o diem atrum ! amiſiſtis Fabricium . Atque eum plane Episcopum , qualem Doct̃or ille gentium Paullus in ſuis ad Timotheum , ac Titum literis flagitabat Episcopum ; qui ita virtutes omnes animo complexus eſt , ut majores , & forte etiam pares ab homine nato vel ſero expectetis , vel fruſtra deſideretis . Has dum ego vobiscum , Cives , percurro , magno me onere , & ab omni aſſentationis ſuſpicionem liberatum intelligo ; nam & ea dicam , quæ commemorare ſatius fuerit , quam exornare , & ea ſane commemorabo , quorum & vos ipſos habeo teſtes locupletiffimos , & Pontifex ipſe , ſi adhuc viveret , ac præſens audiret , quamvis modetiſſimus , abnuere minime poſſet .

Ac primo quidem etſi magnificentius eſt dicere , quemadmodum geſſerit Episcopatum Fabricius , quàm quemadmodum cœperit , ita tamen cœpit , quod vos meminiffe non dubito , nihil ut ſibi dignitatis tantæ , ad quam fuit evectus , vindicare umquam poſſint aut caſus cœci , & fortuiti rerum humanarum , aut gratia cujuſquam , aut ambitio , aut cupiditas , aut aliud quidpiam eorum , queis identi-

dem

dem ad maximos honores, vel immerentes, & per-
diti etiam quandoque homines extolluntur. Scilicet
ita Romæ vixit annos ferme duodecim, ea excelsi,
nobilis, ac pientissimi animi specimina edidit (quæ
& ipse memini a multis, cum in beatissimo illo
orbis Terrarum theatro, ac Sapientiæ omnis do-
micio viverem, jucundissime commemorari) ea, in-
quam, edidit specimina, ut gravitate, ac dignitate
oris, morum elegantia, civilique convictu Majores
referret, pietate vero, modestia, labore, industria,
Eminentissimum Fratrem Presbyterum Cardinalem,
vere firmissimum Ecclesiæ Cardinem, vere Socie-
tatis Jesu, innumeris, ac maximis splendoribus co-
ruscantis eximium lumen, ac fulgentissimum. Cujus
divinas propemodum laudes, præter illustre Caroli
VI. Imperatoris Maximi testimonium, qui ob in-
gentia in se viri merita Salernæam domum fami-
liari Stemmata cohonestare dignatus est; veracissi-
me etiam complexa est illa ejus tumulo apposita
epigraphæ: *Quod de Principibus, de Sancta Sede,
de Catholica Ecclesia bene sit meritis*. Quæ tum
secum reputans acerrimi Vir ingenii, atque judicii,
ingeniorum, ac morum æstimator perspicacissimus,
Maximus Pontificum Clemens XI. magna quæque de
Fabricio auguratus, eum lubentissimo animo in Pon-
tificum Collegium cooptavit. Atque ita cooptavit,
ut non tam eum de Infulis crescere, quam per
eum Infulis, & Sacerdotio decus atque ornamentum,
nec mediocre præsidium accedere arbitretur. Per-
vagata sunt hæc, o Cives, atque omnibus nota, sed
multo sunt notiora, & non in animis modo vestris,
sed in oculis omnium pene infixæ, quæ ille in Spar-
ta

ta isthac ornanda, & concredito sibi grege pascendo, fovendo, tuendo, gessit abunde. Vix namque inito Pontificatu, nihil antiquius habuisse est vilus, quam ut vel prope ruentem fulciret, vel collapsam instauraret morum disciplinam. Quam sane rem per tot annos, quibus inter vos versatus est, qua Sacris Concionibus habendis, qua corruptelis profligandis, qua piis omne genus actionibus, atque operibus, incredibili labore, ac patientia, mira animi fortitudine atque constantia, se continenter in exemplum proposito, partim feliciter est consecutus, & ad extremum usque spiritum, ut cumulatissime consequeretur, procurare non desit. Probe enim intellegebat Vir Sanctissimus, frustra admodum verba jactari, ubi desint exempla; fortius facere, quam dicere Ducis esse; debere eum, qui cæteris mortalibus dignitate præsit, virtute etiam iis atque exemplo præire. Hinc virtutes in Fabricio, tamquam in optimo ac fertili agro, eodemque bene, ac diligenter exculto & subactò, numquam aliæ aliis succrescere, aliæ ex aliis jugiter progigni, atque propagari desierunt. O Virum vere Apostolicum! O viri mortem vere funestam, ac lacrymabilem! Vos hic, ego compello, o Cives, qui eum paullo familiarius ac penitius nostis, quique cum eo diutius in hac Vrbe vixistis: jam me enim vox, jam animus nihilo voce ac valetudine firmior, tum in dolore tanto, tum in tanta rerum copia & ubertate deficit: Vos, inquam, compello. Vniversam ejus vitæ rationem ante oculos vobis proponite, animisque vestris reputate; sicque vel me tacente, statuetis, talem se continenti, ac perpetuo vitæ teno-

nore gessisse Fabricium, ut nedum veteres illos Fabricios pietate, ac fide superarit; sed alio atque alio tempore, alia atque alia virtute magnos illos Deoque caros, deque humano genere optime meritos, Athanasium, Basilium, Hieronymum, Augustinum, Anselmum repræsentarit. Nam, Deum immortalem! quanta in illo rerum divinarum contemplatio! quam sincera in Deum, & constans pietas! quanta in prosperis moderatio, in adversis constantia! quantus veræ, solidæque, non fictæ, ac fucatæ virtutis amor! quanta in probos, sed sine dignitatis dispendio humanitas! quanta in improbos, sed sine acerbitate, nec sine miseratione, atque humanitate severitas! quanta in miseros atque egenos, quamque effusa benignitas! quantus earum rerum contemptus, quas vulgus hominum putat amplissimas! quantus in Dei & Ecclesiæ juribus, in pauperum, orbis, pupillorum causa tuenda ardor, ac vis! Porro nonne omni studio, atque industria divinum illud Episcoporum exemplar Paulum Apostolum sibi proposuisse ad imitandum, verique expressisse dicendus est, qui pro re nata factus est omnibus omnia? Atque hunc tamen ipsum, qui sibi certe satis, tempori vix satis vixit, nobis vero, o nos miseros atque perditos! etsi per annorum centurias aliquot vixisset, ne vix quidem; hunc, inquam, ipsum vos & paullo ante vidistis exanimem, ejusque hodie funus tam lamentabili specie renovatis.

Fingite jam, rogo, fingite nunc vobis animo, Episcopum nostrum, qualem audistis, qualemque ipsi multo propius conspexistis, jamdiu in longinquas oras,

ras, aut valetudinis gratia, aut quietis cupidum se recepisse, paratum tamen Urbis ac gregis utilitati semper adesse; sed inopinantibus vobis importuno fato fuisse sublatum. Qui vobis, obsecro, animi sensus? qui mœror? quæ perturbatio in tanta jactura? Videre mihi videor dolere alios, mixtisque sermonibus lugere obitum Viri de re nostra publica optime meriti: laudare alios egregias ejusdem res gestas, exantlatos labores, & derivatos indidem in Civitatem hanc nostram uberrimos fructus: optare alios, ut suscitetur Deus similem virum, qui attritis, ac prope perditis rebus nostris mature succurrat: alios alia vel cogitare, vel commendare, vel metueret, vel flagitare. Id mihi videre videor, Cives, nec mea me, si recte sentio, fallit opinio. Ita enim facti, comparatique sumus, ut quos publicæ utilitati, ac securitati maxime idoneos, atque accommodatos videmus, iisdem profecto perpetuam incolumitatem cupiamus, atque adprecemur. At in hoc tamen loco ubi ejus Viri, quem modo, prohi dolor! amisimus, oculis obversatur vestris, tam lacrymabilis species, dum vos intueor, Cives, nihil penitus animadverto, præter altissimum hocce silentium, summi doloris vestri, & quasi abalienatæ mentis indicium certissimum. Idque ut contingat, nec miror admodum, nec sane quæsierim, contingat enim necesse est. Ejus namque, renovato nunc funere, mortem defletis, quem non ita pridem aut a vobis dimissum, aut in honesto otio conquiescentem mortuum esse audieritis; sed quem ipsi vos, post navatam ab eo strenue, fideliter, feliciter, universo gregi, & Christi Ecclesiæ operam, post partam ingentem

tem gloriam , post injectum omnibus æternum sui desiderium , post toleratam semper incredibili patientia adversam , qua identidem tentabatur , valetudinem , senio laboribusque confectum , & morbo multiplici conflictatum , post exceptam denique quasi paullatim ad se venientem , hilari , ac tranquillo animo mortem , decedere aspexistis , & cujus novissimum pene spiritum tristes , collacrymantisque ore vestro excepistis. Sperabatis fore , quod non frustra alias sperastis , ut Civitatis hujus misertus Deus , eum fineret aliquando e tot malis emergere , e quibus nunc tandem vitam cum morte commutans emerfit. O jacturam intolerabilem ! O tempora nobis iniqua ! O fata fera ! Scilicet eo deveni , ubi cogor tamquam scopulo adhærescere , vestrumque mihi silentium potius , Cives egregii , quam dicendi facultas optanda est. Qui enim temperem dolori tanto ? Mene hoc tempore , Fabrici sanctissime , laudes tuas dicendo persequi ? Mene , Cives , laudatione hac funebri luctum vestrum , lacrymasque compescere ? Non deerunt memoriæ tuæ laudatores Fabrici , donec pietati stabit , ac virtuti honos , eoque plures erunt , quod eos , dum viveres , pati non poteras. Luctum vero vestrum qui cohibeam , Cives , qui vix meum compesco , dum justa persolvam ? Non laudibus , quæ deerunt numquam , sed lacrymis omnium dignus est mortuus , qui vivus omnium lacrymas abstergebat. Lugete Virgines , lugete Viduæ , pauperes , orbi , pupilli , pueri , senes , omnis ordinis homines , sine intermissione lugete . Nedum enim quæ tota vita gessit Fabricius præclara illa quidem omnia , ac posterorum memoria , & commendatione dignissima ;

sed

sed parietes quoque ipsi sanctissimæ, quam incoluit domus, quamque ille diuturna mora, dum viveret, non jam ut privatam incolere, sed sacrarium quoddam Urbis, atque Palladium constituisse visus est, sanctimonia, pietate, iustitia, virtutum omnium choro tamquam fortissimo quodam propugnaculo munitum, atque vallatum: parietes, inquam, ipsi domus sanctissimæ, quasi Cælo repente tacti, & squalore tanto, ac solitudine deformati, luctus, tristitiæ, lacrymarum, dum Cadaver efferretis, vos admonebant; & quoties eo oculos convertetis, muto quodam gemitu, & inanima quadam voce, non sine quodam pietatis, ac doloris sensu perstrepente, auresque vestras, & animos percellente, lacrymarum, tristitiæ, & luctus vos admonebunt.

Quod si laudibus tanti Viri enarrandis luctum sedari vestrum, purgari sordes, lacrymas abstergi posse putavistis, non ista fuerat ducendi funeris ratio, o Cives, quam ab unius oratione hominis per sese infirmissimi, & tam lugubri specie præsentium malorum, metuque impendentium stupefacti, & attoniti, ac prope enecti, pendere voluistis: sed illa potius suscipienda, quæ ab Romanorum Veteribus, iisdemque sapientissimis, in funeribus magnorum virorum, tum ad eorum, qui aderant solatium, atque imitationem, tum ad posterorum quoque memoriam, atque exemplum est instituta. Quam si suscepissetis, tabulis hic saltem docta manu, ac penicillo elaboratis, ac multiplici jucundoque formarum apparatu instructis, propter funus apparerent omnia, & sub unum quasi omnium intuitum caderent, atque splenderent, quæ tota vita ad multorum invidiam,
ad

ad omnium imitationem gessit Fabricius . Appareret , qua ille cura , quo labore , qua solertia , qua munificentia egit , dum omnium primus Seminarium istud instituit ; unde sibi potissimum , nomine ipso admonitus , furculos illos esse sumendos intelligebat , qui in omnem Diœceseos agrum pro temporum necessitate transferrentur : dum rebus omnibus necessariis , & redditibus opimis instruxit : dum optimis munivit & institutis & legibus : dum in oculis semper , ac fere in sinu gestavit : dum per temporum denique conditionem sibi substractum , alienæ fidei curæque concreditum , ita respexit tamen , ut & adamaverit semper , & omnia se ejus causâ velle satis præsetulerit , & quasi abstracta a se viscera atque discerpta , patientissime tolerarit . Intelligo , Cives , quam in lubrico , ac difficili loco verfer ; sed illud etiam intelligitis omnes , ita se demum in tanta temporum iniquitate gessisse Fabricium , ut animum ejus invictum , & in una recte factorum conscientia conquiescentem , non secus ac maximi illius Fabii , nec aliorum falsa gloria , nec sua falsa infamia movere potuerit . Apparerent , quæ jam ille olim in Diœcesana cogenda Synodo ad morum emendationem , rectiusque vitæ institutum promovendum , & labore aggressus est plusquam Herculeo , & constantia persecutus heroica , & patientia passus vere Apostolica . Appareret , quibus animi angoribus atque molestiis , quibus periculis atque ærumnis , cui valetudinis ac rei familiaris detrimento se pro Ecclesiæ juribus , atque immunitate tuenda non semel objecerit . Apparerent , quæ in sacris ornandis Ædibus , sacraque supellectili splendidissime augenda ,
tum

tum principe hoc , ubi nunc miseri ejus mortem deflemus, nec satis tamen adhuc deflemus , Templo; Templo, inquam, hoc instaurando, muniendo, orando, eximia egit munificentia. Apparerent Cives vestri aliquot ab Infidelium servitute & jugo, ejus ære redempti , & Patriæ, domibus , liberis, conjugibus restituti. Appareret, quo ille in vos amore ac benevolentia, ut vobiscum perpetuo viveret, vobisque unis prodesset, Consentinam Insulam detrectarit. Agmina denique apparerent; nam quis omnia complecti dicendo queat ? apparerent agmina pauperum , pupillorum , orborum , egenorum omnis generis, ætatis, sexus, tam certo ac præsentis subsidio ad vitam honestatemque tuendam, quam multiplici ac prope incredibili, eo vivente, vero pauperum patre, subnixæ, & fulcitæ, eo nunc mortuo, o mortem lacrymabilem, quam vel ipse hic dies tristi plurimorum experimento testatam facit ! misere destituta. Hæc simul apparerent omnia, ac reliquæ subinde ordine virtutes, quarum vix unam vel e minimis Pastori vestro defuisse cognostis, symbolis ac tesseriis expressæ suis, eum jam Cœlo receptum significantes, & non tam quid nos amiserimus, quam quid ille acquisierit admonentes, ægritudinem tantam ac luctum maxima ex parte averruncarent. Sed forte ita nunc accidit, & merito quidem accidit, ut ejus quasi obliti, qui nos perpetuo coluit atque adamavit, quasi ingrati & beneficiorum immemores, rerum dumtaxat nostrarum anxii, & solliciti, & quantum præsidii in tanti Viri obitu amiserimus, unice reputantes, mirum in modum excruciemur : utque me eadem ipsa hæc dum animum sub-

fubeunt , præ mœrore conficiunt , ita vobis quibus multo sunt notiora , eorum memoria quasi vulnere refricando doloris auget acerbitem.

Quam sane acerbitem , etsi omni ope lenitam in vobis , ac mitigatam cupio , video tamen , Cives , dum oculos circumjicio , novas quasi vires in tam tristi silentio acquirentem , atque in me quoque ipso nescio qua via , ac ratione recrudescentem . Hinc si verum , quod ajunt , naturam sentire in posterum terribilia , vereor , Cives , in tantis terroribus , ac valde vereor , ne majus quidpiam nobis irati Superi calamitate tanta denuncient . Etenim venitne , Cives , in mentem quo tempore , quam importuno optimum ac beneficentissimum , atque afflictæ & prostratæ , & jacentis , situque & squalore obsitæ Patriæ nostræ amantissimum amiserimus ? Atque hic date , obsecro , Cives , veniam liberæ voci , date aliquid meæ adversus Patriam caritati . Tanti enim hæc est apud me momenti cogitatio , ut luctui luctum , sordes fordibus , squalori squalorem addat . Nam , ut vetustiora præteream , non jam unum , aut alterum , sed tricesimum jam prope annum , non jurgiis modo ac litigiis , quæ & sæpe necessitas intulit , & erunt donec homines ; sed trucibus inimiciis , sed diris quibusdam , atque atrocissimis bellis qua externis , qua Civilibus Vrbs nostra concutitur ; eoque demum deducta res est , ut consuetudine ipsa , male nata ista rixandi libido , veluti alimentum quoddam virulentum ac pestilens , in stomachum immissa primo , ac deinde in succum sanguinemque conversa , ita artus Civitatis omnes ac viscera nedum capita ipsa vexat atque exagitat , ut non jam
am-

amplius pugnandi necessitas, aut libido, sed veluti rabies quædam, & plusquam barbara atque effrata immanitas regnare videatur. Hæc, ut nostis omnes, & maximo quidem cum gemitu norunt boni, Civitatem nostram, illecebris omnium rerum, ac lascivientis Fortunæ favore, sponte jam sua in interitum pronam, atque præcipitem ita labefactavit, Cives, ut nedum gloria illa antiquæ fidei, pietatis, comitatis, candoris, morum elegantiae, civilisque convictus, industriæ ac virtutis, queis finitimos populos sine controversia superabamus, plane obsoleverit, extinctaque sit; sed vix humanitatis vestigia reliqua appareant; Vosque ipsi in spectro ac larva ista virtutis, opum, morum, virtutem, opes, moresque vestros; in cadavere isto Urbis Urbem vestram requiratis. In novissima vero ista, quam nuper inter vos, eo adhuc vivente, suscepistis, contentione (nominare piget, ac pudet etiam) contentione, inquam, vere funebri atque exitiabili, quam odiis potius quam viribus, furore potius quam ingenio, temeritate potius ac partium studio abrepti, quam consilio & maturitate suscepistis, nisi aliquis tamquam e machina Deus prospexerit, quis est qui non videat, Civitati nostræ non ita pridem felici ac florentissimæ ultimam cladem atque excidium imminere? Verum & in ultima hac rerum & temporum fœda ac detestanda conditione, & in cæteris omnibus, quæ Urbem hanc nostram affixerunt, malis, quemadmodum ille se gesserit, quemadmodum condoluerit infirmitatibus omnium, quemadmodum exemplo suo, & vita integerrime, patientissime, beneficentissime acta præluxerit, rectius ipsi vos reputa-

taveritis , quam ego viribus jam & voce ipsa destitutus expressero . Quid si in tanta , ac tam diuturna rerum omnium confusione , in tanta ac tam obfirmata animorum contentione , non omnibus , quantum ingenia ferrent , prospexisset ? quid si privatas injurias ulcisci ac persequi voluisset , si turbas turbis , faces facibus addidisset , quo nunc loco essent res vestrae ? Quid vero si despiciatui jam diu habitus criminum inspector , & ultor Deus , ejusmodi ad vos mittat Episcopum , qui effraeni isti licentiae vim , robur , & igniculos addens , ac pro pastore lupum agens , vel incogitantibus vobis efficiat , ut cujus viri , ac praesentis exempla & monita neglexistis , extincti atque absentis jacturam in longam aetatem comploretis ? Quae cogitatio ita me commovet atque perterret , ita conficit atque excruciat , ut vocem pene ipsam , ac spiritum intercludat . Quamobrem cum sapientis Medici sit mala potius praecavere , ne adveniant , quam cum advenierint , curare , rogo obtestorque vos , Gives , eam quae in vestris est manibus medicinam morbo huic longe teterrimo , & heu ! nimis diu grassanti , erecti atque alacres tandem afferte . Atque ita existimate , Fabricium Antonium , uti dum vixit , vobis potius rebusque vestris , quam sibi vixit , ita nunc Caelo receptum vestri curam non abjecisse , atque e beata illa justorum Sede sic leniter amanterque vos compellare . Itane , filii , me adhuc mortuo , novis semper odiis in mutuam perniciem concurritis ? Itane Pastoris vestri , ac Parentis , cujus vivi exempla & monita non profuere , ut pax inter vos coalesceret , neque preces proderunt Caelo demissae , neque

VOX

vox proderit e beata isthac regione descendens? Cur funeri meo dolentes ac mœsti asseditis primum, cur funus hodie tristes lacrymantisque renovatis, si ne defuncti quidem, pro vobis, ut in omni vita, solliciti, & fausta omnia e Cœlo precantis, vocem auditis? Ego ut pacem haberetis, bella sustinui, ego ut fortunas vestras sustentarem, domesticas neglexi, atque profudi: ego ut mores componeretis, ut virtutem coleretis, exemplo præivi: qui pastor fui, gregem pavi, utque in me verum pastorem ac patrem agnosceretis, vobis semper vixi, non mihi. Ponite jurgia, filii, ponite odia, turbas ponite; Dei mandatis parete, liberis vestris, conjugibus, domibus, feris quoque nepotibus, Patriæ demum vestræ, opem vestram non poscenti modo, sed expansis etiam ulnis flagitanti, pace tandem parta, consulite. Aut si bella mavultis, cupiditatibus, non honestati, vitiis, non virtuti, flagitiis, non pietati, iræ, furori, violentiæ, non sobrietati, non temperantiæ, non sapientiæ bellum indicite. Vincat inter vos, filii, tandem aliquando pacis amor, jaceat, atque exulet immanis ista ac barbara, quæ urbes ac Regna nullo non tempore laceravit, pessumdeditque discordia: regnet ratio, vincat ac regnet, quæ beatas efficit civitates, sincera in Deum pietas, & civilis cura concordia. Quæ si præstiteritis, Cives, fiet profecto, ut Deo primum propitio reddito, is propediem vobis contingat Episcopus, qui pietate in superos excellens, iisque animi dotibus, quas in amisso Pontifice desideratis, & septimum jam diem lugetis, instructus, jacturam tantam reparare, mœrorem tantum, tam gravem, tam acerbum, tam ominosum aliqua ex parte levare possit. Dixi.

